

# FINTU WINGA PUSUSHIWA



**NO**

# KWISHIBA

## **Nga cakuti wafwile lelo nikwi wingaya ikala umuyayaya?**

Takwaba nangu umo uwatemwa ukutontokanya palwa mfwa, lelo imfwa ilesa kuli bonse. Lesa alatweba mu Cebo Cakwe. *“Kabili ifyo calingilwa abantu ukufwa limo, ne cakonkapo kupingulwa.”* (AbaHebere 9:27) Apo imfwa eko yaba, ufwile ukuiteyanya uku kumana na Lesa. Ukulingana ne Cebo cakwa Lesa, ufwile ukwikala umuyayaya muli imo pali ishi ncende, mu mulilo nangu mu mulu. *“Kabili aba bakafumapo, bakaya ku kulimunwa kwa muyayaya (mu mulilo); lelo abalungami bakaya mu mweo wa muyayaya (mu mulu).”* (Mateo 25:46)

**Umuntu onse uwa fyalwa muli cino calo alipyana icifyalilwa ca lubembu.** *“...kabili twali ku cifyalilwa abana bakukalipilwa, ifyo na bantu bambi baba.”* (Abena Efese 2:3b) *“E ico filya ulubembu lwaingilile mu muntu umo (Adamu) pano isonde, ne mfwa yaingilile mu lubembu; e fyo ne mfwa yayambukile ku bantu bonse, pantu bonse balibembwike.”* (Abena Roma 5:12) *“Moneni, mu mampulu e mo napapilwe, na mu lubembu emo mayo anjimitile.”* (Amalumbo 51:5) *“Umutima wa kufutika ukucile fintu fyonse, kabili walilwalisha; n’ ani engawishiba?”* (Yeremiah 17:9)

**Ici cifyalilwa ca lubembu emufuma imisango yonse iibi.** *“Pantu mu kati, mu mutima wa muntu, e mufuma amatontokanyo yabipa, ubulalelale, ukwiba, imisoka, ubucende, ulunkumbwa, ububifi, ubucenjeshi, bucilende, umupusulo, imiponto, imiya, ukutumpa; ifya bubifi ifi fyonse fifuma mu kati, e fikowesho muntu.”* (Marko 7:21-23) Ufwile ukusumina ukuti uli mu bembu. Usumine we mwine kabili usumine na kuli Lesa. Takwaba ukupusukila ishuko ukufuma ku mulilo lelo kano fye nga waishiba ukuti uli mu bembu. Icebo cakwa Lesa efyo cisosa ufwile ukucisumina! Pamulandu wakuti uli mubembu, impela yobe ni mu mulilo wa muyayaya. *“Pantu icilambu ca lubembu ni mfwa;”* (Abena Roma 6:23) *“No lubembu ilyo lwakula, lulete mfwa.”* (Yakobo 1:15)

## **Tapali nangu cimo ico winga cita ukuti wingaipususha.**

Tekuti utile waliba bwino sana. *“Takuli uucite cisuma, takuli nangu umo.”* (Abena Roma 3:12b) Tekuti upusuke mu kusunga amafunde. Ukwingila mu cilonganino no kubatishiwa tekuti fikwafwe mu kupusuka. *“Pantu ku kubombe fisosa amalango takwakalungamike muntunse nangu umo.”* (Abena Galatia 2:16) Tauli na cakukwafwa. Tekuti uipusushe we mwine.

**Pano e pali ilyashi ilisuma ilya mbila nsuma.** Nangu ube mubembu, Lesa alikutemwa kabili ali cita fyonse ifikabilwa pe pusukilo lyobe. *“Pantu ilyo twali tucili ababulwa amaka, ku nshita iyene Kristu afwilile abashipepa.”* (Abena Roma 5:6) *“Pa kuti na Kristu pamo aculile imembu umuku umo, uwalungama aculile pa mulandu wa bashalungama, ukuti atupalamike kuli Lesa; ku mubili wena aliipaiwe, lelo ku mupashi acitilwe uwa mweo.”* (1 Petro 3:18)

**Tekupelela mukusumina fye mumano ukuti uli mubembu kabili ukuti lesa alikutemwa nokuti Kristu alikufwilile.** Lelo ufwile ukufibika mu mweo obe wine mu kulapila no kupokelela Shikulu Yesu Kristu ngo mupusushi obe. Ukulapila “ku pilibula kwa kampingu” ukuletwa mu mutima obe na Mupashi wa Mushilo. Kulalenga iwe ukupilibuka ukufuma ku membu shobe, na muli buka pepa pamo ne milimo iya fwa no kutetekela muli Kristu fye eka. *“Lelo nga mwa kana ukulapila, mukonaika filya fine naimwe bonse.”* (Luka 13:3) *“Lelo abo bene abamusekelele, abatetekele ishina lyakwe, abapele amaka aya kuba abana ba kwa Lesa.”* (Yohane 1:12) *“...abantu bonse...”* (Imilimo ya Batemwa 17:30) ba bakonkomesha ati balapile. E ico abantu bonse kuti balapila.

Witantalisha ukucita ifi – ucite nomba line! *“Nomba e nshita yakupokelelwamo; nomba e bushiku bwe pusukilo.”* (2 Abena Korinti 6:2) *“Fwayeni Yehoba ilyo engasangwa, mulilileni ilyo ali mupepi.”* (Esaya 55:6) *“Pantu, Umuntu onse uwalilila kwi shina lya kwa Shikulu akapusuka.”* (Abena Roma 10:13) *“...abantu*

*bonse...*" (1 Timote 2:4,6) kuti ba pusushiwa.

Konse kuntu wingaba pali nomba, eba Lesa ukuti uli mubembu uwaluba, umulombe ukuti akwelele imembu shobe, no kuti upokelele Shikulu Yesu Kristu ngo mupusushi obe. Fwaye pusukilo mu kutetekela. *"Pantu ni ku kusenamina mwapusukila, pa kutetekela; kabili te cintu cafuma kuli imwe, ca bupe ca kwa Lesa; tacafuma mu milimo, pa kuti umuntu tengatakisha."* (Abena Efese 2:8,9) Nga cakuti ulefwaya ukupusushiwa ulande na Lesa mwi pepo nomba line no kulanshanya nankwe amapange yobe ayakataluka ku lubembu no kupokelela Yesu Kristu ngo mupusushi obe, no kumulomba ukuti akupusushe: Kuti wafwaya ukupepa ili pepo pesamba nge lya ku kutungulula. Wibukishe ukuti takuli ipepo winga pepa ilinga kupususha. Kulapila kwa mu mutima obe pamo ne citetekelo muli Yesu Kristu efiga ku pususha, te pepo iyoo. Mwe Lesa, mu mbelele uluse ne mubembu. Munjelele pa membu shandi, nokuti nomba nde tetekela Yesu Kristu ukumpususha. Nde mubula nomba ukuba Shikulu kabili Umupusushi wandi. Nde lombamba umweo wa muyayaya uyo ashitile no Mulopa Wakwe Umwine. Nalombamba ifi mwi shina lyakwa Yesu Kristu, Amen.

Iyi e nshila ye pusukilo iya kwa Lesa ukulingana ne Cebo Cakwe. Inshita Ishingi abantu balafilwa ukusunge milimo yabo; lelo Lesa tafilwa kusunga Cebo Cakwe! Witetekela imyumfwile yobe. Utetekele ifyo Lesa aalanda mu Cebo Cakwe pantu ta bepa. *"Lelo icebo ca kwa Shikulu caikalilila pe: awe ici e cebo ico mwabililwa."* (1 Petro 1:25)



## **FELLOWSHIP TRACT LEAGUE**

P.O. BOX 164 • LEBANON, OH 45036

[www.fellowshiptractleague.org](http://www.fellowshiptractleague.org) © Tract 8220 (Bemba)

Yonse amatalakiti yakupela fye ilyo Shikulu alepekanya.